

æk
22.korrika

Guraso Taldeak A1



Unitate honen helburua da euskara ikasten ari diren gurasoei **PIRRITX, PORROTX ETA MARIMOTOTS**en eta **ENE KANTAK**en berri ematea, eta umeekin euskaraz aritzeko zenbait kanta ikastea. Prest?

æk

PROZEDURA:**1. ATALA: Ezagutzen dituzu?****Pirritx, Porrotx eta Marimotots**

- ▶ Pirritx, Porrotx eta Marimotots ezagutzen ote dituzten galdetuko dugu (4. or.); argazkiari begira, nor den nor ba ote dakiten...
- ▶ KORRIKAREN omenduak direla azalduko dugu, eta testua irakurriko dute (4. or.): ulertzen ez dutena azpimarratzeko esango diegu.
- ▶ Talde handian, zalantzak argituko ditugu, eta albistea komentatuko dugu.
- ▶ Katxiporreta.eus gunera sartu, eta ikasleekin, pantaila handian, zer eskaintzen duten eta zer lan egiten ari diren ikusiko dugu: zein ikuskizunekin dabilzan, aldizkaria ezagutzera eman...
- ▶ Haien zenbait ikuskizun *Youtuben* ikusgai¹ daudela ere azalduko dugu.

Omenaldia

- ▶ Omenaldiaren aurrekoak erakusten dituen ikus-entzunekoa² ikusiko dugu; eta, zer ulertu duten ikusteko, pantaila handirako aurkezpena³ erabiliko dugu. Irudiak ikusi ahala, galderak egingo ditugu, eta ikasleek zer ulertu duten esango dute beren hitzetan.
- ▶ Lehenengo jardura egingo dute (5. or.): azalpen-testuak osatu, eta irudiekin lotuko dituzte.
- ▶ Omenaldiaren berri ematen duen 11tb-ko albistea⁴ ikusiko dugu, istorioaren amaiera gisa, eta honako galderari erantzunango diote (5. or.): zer ikusi dugu?

ERANTZUN ZUZENAK:

OMENALDIAREN AURREKOAK 1. deitu **du**; egingo **dituela** / 2. jaso **du**; kontatu **die**; garbitzen ari **da** / 3. deitu **dio**; nahi **duelako**; erantzun **du**; libre **dutela** / 4. egin **diete** / 5. atera **dute**

Azalpenak eta irudiak: 1c; 2d; 3a; 4e; 5b

OMENALDIA Zer ikusi dugu? a, b, d, e, f, h, i, l (trapezistarik ez da ikusten, baina egon ziren)

Ene kantak

- ▶ *Ene Kantak* proiektua ezagutzen ote duten galdetuko dugu, eta testua irakurriko dute (6. or.).
- ▶ Haien webgunera jo, eta ikasleekin, pantaila handian, zer eskaintzen duten eta zer lan egiten ari diren ikusiko dugu: zein ikuskizunekin dabilzan...
- ▶ ETB3n egiten duten saioaren berri ere emango dugu (*Nahieran*⁵ dago ikusgai).

Sakontzen

- ▶ Bakarka, beste eskola-egun batean edota etxean, hainbat edukiri erreparatzeko ariketak egingo dituzte (7. or.).
- ▶ Talde handian zuzenduko ditugu.

ERANTZUN ZUZENAK:

Bete hutsuneak: 1a; 2b; 3a; 4c; 5b; 6c

Azpimarratu aukera zuzenak: 1. musikariak / Oskozek / batzuek; 2. Abestiak; 3. dantzatzea; 4. hurrek; 5. ikustea; 6. ikuskizunak; 7. ikustera

¹ <https://www.youtube.com/user/katxiporretaTB> (Katxiporreta kanala)

² Omenaldiaren aurrekoak: <https://www.youtube.com/watch?v=O4o4dO9t0ig&t=10s>

³ *Omenaldiaren aurrekoak.pdf* edo *Omenaldiaren aurrekoak.odp* (formatu editagarria)

⁴ Omenaldia 11TBn (albistea, 1'47 min): <https://www.hamaika.eus/euskal-herria-berriak/gizartea/pirritx-porrotx-eta-marimototsen-ibilbidea-omendu-dute-aek-k-eta-korrikak-gure-zirkuan.html>

⁵ *Nahieran* gunean (<https://www.eitb.tv/eu/>), bilatzailean *Ene kantak* idatziz gero, saio guztiak agertuko dira.

Zeure esperientzia

- ▶ Haien esperientzien berri jasoko dugu (8. or.); galdetegia ozen irakurriko dugu, eta hiztegiari dagozkion zalantzak argituko ditugu.
- ▶ Hirunaka lehenik, eta talde handian gero, beren esperientziak azalduko dituzte.
- ▶ Amaitzeko, umeein euskarazko ikuskizunetara joatera animatuko ditugu, eta herrian holakoak daudenean, eskolan horien berri emango dugu.

2. ATALA: Kantatuko dugu?

Zenbait kanta aukeratu, eta buruz ikasteko **proposamena egingo diegu**; bat, KORRIKAREN kanta bat; bi, Pirritx, Porrotx eta Marimototsena; hiru, *Ene kantak*-ena. Horrela, bi proiektuak ezagutuko dituzte. Gure proposamena:

Txis pun KORRIKA! (Pirritx, Porrotx eta Marimotots) 9. or.

https://www.youtube.com/watch?v=hjKez88zqbY&list=RDhjKez88zqbY&start_radio=1

Oso zail egiten bazaie, "errepikak" buruz ikastea jarriko dugu helburu.

Euri tanta banintz (Pirritx, Porrotx eta Marimotots) 10. or.

<https://www.youtube.com/watch?v=d9zimCPrUwk>

Baldintza hipotetikoa izanda ere, lau esaldi dira, behin eta berriz errepikatzen direnak.

Helikopteroa (Ene Kantak, Astonautak) 11. or.

<https://www.youtube.com/watch?v=Gf02IJGuje0>

- ▶ **Pirritx, Porrotx eta Marimotots**ek bi Korrika KANTA dituzte. Ikuskizun¹ oso bat ere eskaini zioten KORRIKARI (kanta polit pila bat dituzte ikasleekin landu ahal direnak. Ikusi haien youtubeko kanala²). Oro har, Pirritx, Porrotx eta Marimototsen kanten letrak zailagoak dira Ene kantak-enak baino.
- ▶ **Ene kantak**-ek kanta pila bat ditu, youtuben publikatuak, karaokea egiteko moduan (ikusi haien kanala³; kanta guztien letrak⁴ ere bertan dituzue). A1 mailarako oso egokiak eta politak dira. Batez ere, ume txikiekin kantatzeko dira egokiak. Beraz, ikasleek nahi izanez gero, hilean behin, kanta bat ikasteko helburua gehi diezaiokegu ikastaroari. Horrez gain, A2 eta B1 mailarako egokiak diren ipuin musikatuak ere badituzte, esaterako:
 Hiru txerrikumeak (Oneka) <https://www.youtube.com/watch?v=eC7goeDQ4rg>
 Txanogorritxo. Ipuin modernoa (Satorjator) <https://www.youtube.com/watch?v=6ydBr7V1DFA>

- ▶ Kanta aukeratutakoan, behin entzungo dugu letrak banatu baino lehen, inpresio orokorra har dezaten, eta ea gustatu zaien galdetuko dugu.
- ▶ Hipotesiak egiten utziko diegu: zuen ustez, zer esaten du letrak? Ezer ulertu duzue? Zer?
- ▶ Hitzak banatu, eta nabarmendutako hitzak irudiekin lotu beharko dituzte (9.- 11. or.).
- ▶ Zuzentzeko, talde handian, hitzek zer adierazten duten azaltzen joango gara, gure hitzekin, eta irudietako hitzak zuzen jarri ote dituzten ikusiko dugu (ikusi 12. or.).
- ▶ Amaitzeko, letrari begira (bai pantailan —bideoetako karaokeetan—, bai paperean), kanta abestuko dugu eskolan.
- ▶ Erronka botako dugu: ezetz astebetean buruz ikasi! Erronka onartzen badute, astebete emango diegu, eskolaz kanpo, buruz ikas dezaten, eta astea pasatutakoan, euskaltegian, berriro kantatuko dugu. Ea nork lortzen duen erronka gainditzea!
- ▶ Etxean, umeein kantatzera animatuko ditugu.

¹ <https://www.youtube.com/watch?v=Zdk-j3AJiUk> (KORRIKA ikuskizuna)

² <https://www.youtube.com/user/katxiporretaTB> (Katxiporreta kanala)

³ <https://www.youtube.com/channel/UC8CLIqqVcs5gcAQR72Q3XFg> (Ene kantak kanala)

⁴ <https://enekantak.org/letrak/> (Ene kantak. Letrak)


PIRRITX, PORROTX ETA MARIMOTOTS

Ezagutzen dituzu? Nor da nor?



Pirritx, Porrotx eta Marimotots (Aiora Zulaika, Joxe Mari Agirretxe eta Mertxe Rodriguez) pailazo-hirukotea da. 1987ko abenduaren 24an sortu zen, Lasarte-Orian (Gipuzkoa), eta gaur egun Euskal Herriko pailazorik ezagunenak eta arrakastatsuenak dira.

2017. urtean, "Tipi-tapa KORRIKA!" ikuskizuna egin zuten. Eta orain, 22. KORRIKAK omendu egingo ditu. Zergatik? 34 urteko ibilbidea egin dutelako euskal munduan eta euskaraz. Hasieran, euskara ikasi edo hobetu egin zuten. Eta, 34 urte hauetan, ikuskizun eta kanten bidez, euskara eta bizipoza zabaldu dituzte.



Gehiago jakin nahi duzu?
Bada, zoaz haien webgunera:
<https://www.katxiporreta.eus/>

Albiste (2022/01/07):

22. KORRIKAK omendu ditu Pirritx, Porrotx eta Marimotots. Omenaldia Tolosan izan da, iluntzeko 19:00etan, zirku baten mundu magikoaren barruan, Gure Zirkuaren karpan.

Pirritx, Porrotx eta Marimototsen ibilbidea omendu dute AEK-k eta Korrikak

Amondok nabarmendu du pailazoak «eragile aktibo bat» izan direla euskararen transmisioaren aldeko lanean.



Astekaria buletina

Irakurri gabe utzi ezin diren artikulak

Jaso nabarmenduriko albistek, astlehenero, zure helbide elektronikoan.

HARPIDETU!

[Berria.eus/buletinak/](https://berria.eus/buletinak/)

berria and nabarmendu

1. Omenaldiaren aurrekoak

► Osatu esaldiak (behean dituzu aukerak; baina, adi, lau sobera daude-eta):

1. AEKren koordinatzaile nagusi Alizia Iribarrenek Pirritx, Porrotx eta Marimototsen etxera deitu , 22. Korrikak omendu egingo esateko.
2. Marimototsek jaso deia, eta pozik kontatu berria lagunei. Porrotx zapatak garbitzen ari Olentzerori jartzeko? Hori ez dakigu...
3. Alizia Iribarrenek Iker Galartzari ere deitu , Korrikak Gure Zirkuan ospatu nahi ekitaldia. Galartzak pozik erantzun baietz, egun horretan karpa libre
4. Poxpolo pailazoak eta AEKren arduradun Alizia Iribarrenek eta Aitziber Balanzategik Gure Zirkuko karpan egin ongietorria Pirritx, Porrotx eta Marimototsi.
5. Bilera egin ondoren, omenaldiko detaileak zehazteko, familia-argazkia atera

Aukerak:

DIRA, DIRELAKO, DUELAKO, DIETELA, DIETE, DUELA, DITUELA, DUTELA, DU, DU, DU, DIE, DA, DUTE, DIO


► Lotu esaldiak eta irudiak:



A



B



C



D



E

2. Omenaldia

► Zer ikusi dugu? Azpimarratu:



- a) AEK-ko arduradunak hizketan
- b) Omenduak oroigarriarekin eta hizketan
- c) Trapezistak
- d) Akrobatak
- e) Pailazoak
- f) Malabaristak
- g) Magoa
- h) Musikariak
- i) Jendea txaloka
- j) Jendea aharrasika
- k) Jendea krispetak jaten
- l) Omenduak eta jendea dantzan eta abesten
- m) Animaliak

ENE KANTAK

HAURRENTZAKO MUSIKA ETA DANTZA EUSKARAZ



2011n sortu zuten Ene kantak Nerea Urbizu Ruiz musikariak (22. KORRIKA kantaren sortzaileak), Urko Oskozek eta beste lagun batzuek. Hasieran, disko bat soilik sortu nahi zuten, baina, konturatu gabe, 9 lan kaleratu dituzte.

Abestiak, dantzatzeko pausoak eta koreografiak egiten dituzte. Dantzatzea asko gustatzen zaie, eta haien DVDetan hurrek ere dantzatzen dute! Baina jende ospetsua ere gonbidatzen dute. Bitxia da ospetsuak haurrentzako kantak abesten eta dantzatzen ikustea, baina oso ondo pasatzen dute!

Herriz herri ibiltzen dira ikuskizunak egiten, eta arrakasta handia dute. Aukera baduzu, joan ikustera!



Baina hori ez da dena: ETBn haurrentzako saio bat ere egiten dute, astelehenetik ostiralera. Gehiago jakin nahi duzu? Bada, zoaz haien webgunera: <https://enekantak.org/>

ENE KANTAK

3. DENBORALDIA

astelehenetik ostiralera ETB3n

Goizez 8etan Etb3n eta Etb1an

Arratsaldez 20:00etan

SAKONTZEN

► Bete hutsuneak:

Pirritx, Porrotx eta Marimotots (Aiora Zulaika, Joxe Mari Agirretxe eta Mertxe Rodriguez) pailazo-hirukotea da. 1987ko (1) sortu zen, Lasarte-Orian (Gipuzkoa), eta gaur egun Euskal Herriko pailazorik ezagunenak eta arrakastatsuenak (2).

2017. urtean, "Tipi-tapa KORRIKA!" ikuskizuna egin zuten. Eta orain, 22. KORRIKAK omendu egingo ditu. Zergatik? 34 urteko ibilbidea egin (3) euskal munduan eta (4). Hasieran, euskara ikasi edo hobetu egin zuten. Eta, 34 urte (5), ikuskizun eta kanten bidez, euskara eta bizipoza zabaldu (6).

AUKERAK:

- | | | |
|--------------------|--------------|------------|
| 1. | 3. | 5. |
| a) abenduaren 24an | a) dutelako | a) hau |
| b) abenduak 24an | b) direlako | b) hauetan |
| c) abenduko 24an | c) dutela | c) hori |
| 2. | 4. | 6. |
| a) direla | a) euskarari | a) dira |
| b) dira | b) euskarari | b) dute |
| c) dute | c) euskaraz | c) dituzte |

► Azpimarratu aukera zuzenak:

- 2011n sortu zuten Ene kantak Nerea Urbizu Ruiz **musikaria / musikariak / musikariek**, eta Urko **Oskoz / Oskozak / Oskozek** eta beste lagun **batzuk / batzuek**.
- Abestia / Abestiak / Abestiek**, dantzatzeko pausoak eta koreografiak egiten dituzte.
- Izugarri gustatzen zaie **dantzatzea / dantzatu / dantzatzera**.
- Haien DVDetan **haur / haurrak / haurrek** ere dantzatzen dute!
- Bitxia da ospetsuak haurrentzako abestiak dantzatzen **ikustera / ikusteko / ikustea**.
- Herriz herri ibiltzen dira **ikuskizun / ikuskizunak / ikuskizunek** egiten.
- Aukera baduzu, joan **ikustea / ikustera/ ikusi!**

► Aukeratu irakurgaietan azpimarratu dituzun hiruzpalau hitz, eta sortu esaldiak horiek erabilia:

.....

.....

.....

.....

ZEURE ESPERIENTZIA

1. Joaten zara seme-alabekin ikuskizunak ikustera?

- Ez, oraindik¹ oso txikiak dira.
- Ez, ez daukat ohiturarik.
- Egia esanda², gutxitan³ joaten gara.
- Bueno, batzuetan⁴.
- Bai, askotan⁵.
-

2. Euskarazko ikuskizunak ikusten dituzu?

- Orain arte⁶, ez.
- Bai, baina nik ez dut ezer ulertzen.
- Bueno, hemen ez dago eskaintza handirik euskaraz...
- Nik ez, baina nire bikotekidea euskalduna da, eta berak eramaten ditu umeak euskarazko emanaldietara⁷.
-

3. Zein da umearekin ikusi duzun azken kultura-emanaldia?

- Ez dut gogoratzen.
- Azkenaldian⁸ ez dut ezer ikusi.
- Hauxe ikusi dut duela gutxi⁹:
-
-

Gustatu zaizu?

- Egia esanda, pixka bat aspergarria izan da.
- Bueno, ez da gaizki egon.
- Entretenigarria izan da.
- Umeek primeran pasatu dute, hori da garrantzitsuena.
- Oso ona izan da, izugarri gustatu zait.
-

4. Ezagutzen dituzu Pirritx, Porrotx eta Marimototsen ikuskizun edo kantak? Eta Ene Kantak-enak?

- Egia esanda, orain arte ez.
- Bueno, kanta batzuk bai, telefonoan entzuten ditugu, baina gutxi.
- Bai, haien CD eta DVDak ditugu, eta etxean askotan ikusi ditugu.

5. Ikuskizunen bat ikusi baduzu, azaldu zeure esperientzia: noiz joan zaren, nora, norekin, zer moduz...

.....

.....

.....

.....

.....



Hiztegitxoa:

¹ Oraindik: todavía; *encore*

² Egia esanda: a decir verdad; *à vrai dire*

³ Gutxitan: pocas veces; *rarement*

⁴ Batzuetan: algunas veces; *quelquefois*

⁵ Askotan: muchas veces; *souvent, fréquemment*

⁶ Orain arte: hasta ahora; *jusqu'à maintenant*

⁷ Emanaldi: actuación; *session, séance*

⁸ Azkenaldian: últimamente; *dernièrement*

⁹ Duela gutxi: hace poco; *il y a peu*

TXIS PUN KORRIKA!

GOAZEN DENOK KORRIKA!
3, 2, 1, 0... TXIS PUN! KORRIKA HEY!

IRRINTZIA

K-O-R-R-I-K-A

KORRI KORRI KORRIKA!

EUSKARAZ MARTXAN **ALAI** DENOK
KORRIKA, DENOK, KATXIPORRETA!

K-O-R-R-I-K-A

KORRI, KATXIPORRETA!

EUSKARAZ, ARRAIO **TXIMISTA!**

KORRIKA, DENOK, KORRI KORRIKA

ARIN PAUSOAK

TIPI-TAUPA **BIHOTZA** TA **ZANGOAK**

ALTXA BESOAK, TXALO TXALO, JO TXALOAK!

AIO, AIO! HATOR GUREKIN, HI, PELAIIO!

POZIK BIZI, EUSKARARI HELDU

DIBI-DABA-DABA-DU

EGIN IRRINTZI, EUSKARAZ AIAIAI JIJI!

IRRINTZIA

K-O-R-R-I-K-A, KORRIKA!!

K-O-R-R-I-K-A

KORRI KORRI KORRIKA!

EUSKARAZ MARTXAN ALAI DENOK

KORRIKA, DENOK, KATXIPORRETA!

K-O-R-R-I-K-A

KORRI, KATXIPORRETA!

EUSKARAZ, ARRAIO TXIMISTA!

KORRIKA, DENOK, KORRI KORRIKA

ESNATU GARA

ETA GUREKIN BATERA EUSKARA

KANTARI DOA, ESKOLARA LARA-LARA!

ÑAM, ÑAM, BAPO! MMM

TORI BI MUXU, LAU **PIROPO!** (ESKERRIK ASKO!)

ARRATSALDERO PLAZAN ELKARTU, DIBI-DABA-

JOLASTU

ONDO **LO EGIN**, KOLORETAKO AMETSEKIN!

BAT, BI, HIRU, LAU!!

K-O-R-R-I-K-A

KORRI KORRI KORRIKA!

EUSKARAZ MARTXAN ALAI DENOK

KORRIKA, DENOK, KATXIPORRETA! (ITXARON!)

LAA LA-LA-LA-LA-LA LA LA LA, EI!

LAA LA-LA-LA-LA-LA-LA, EI EI EI!!

LAA LA-LA-LA-LA-LA LA LA LA

LA-LA-LA LA-LA-LA-LA-LA-LAA LA

K-O-R-R-I-K-A

KORRI, KATXIPORRETA!

EUSKARAZ, ARRAIO TXIMISTA!

KORRIKA, DENOK, KORRI KORRIKA, IUPI!

MUSIKA: Xabier Zabala

ABESLARIAK: Pirritx, Porrotx eta Marimotots



► **Kantan nabarmendutako hitzek zer esan nahi dute? Idatzi irudien azpian.**



EURI TANTA

NI **EURI-TANTA** BANINTZ,
EGINGO NUKE ZURE **SUDURREAN TXIRRIST,**
LURRERA ERORTZEAN SALTO
TA **HODEIETARA** JOANGO NINTZATEKE BERRIZ!


NI EURI-TANTA BANINTZ,
EGINGO NUKE ZURE SUDURREAN TXIRRIST,
LURRERA ERORTZEAN SALTO
TA HODEIETARA JOANGO NINTZATEKE BERRIZ!

NI EURI-TANTA BANINTZ,
EGINGO NUKE ZURE SUDURREAN TXIRRIST,
LURRERA ERORTZEAN SALTO
TA HODEIETARA JOANGO NINTZATEKE BERRIZ!

MUSIKA: Xabier Zabala
ABESLARIAK: Pirritx, Porrotx eta Marimotots



► **Kantan nabarmendutako hitzek zer esan nahi dute? Idatzi irudien azpian.**



URRUTIAN HELIKOPTEROA



URRUTIAN ZERUTIK HELIKOPTEROA,
TUKUTUKU, TUKUTUKU, TUKUTUKU, TUKUTUKU, TU!
MENDIAN BARRENA HELDU DA TRENA
TXUKU, TXUKU, TXUKU, TXUKU, TXU!
EZ DA FALTA ANBULANTZIA,
NI NO NI NO NI NO NI
ZER GERTATU OTE DA BADA?
UI, UI, UI, UI...

TXAKURRA ZAUNKA ETA ZAUNKA (AU)
ARDIA ZUHAITZEAN IGOTA (BEE)
HONTZA EZIN LOAK HARTUTA (UUUH)...

URRUTIAN ZERUTIK HELIKOPTEROA,
TUKUTUKU, TUKUTUKU, TUKUTUKU, TUKUTUKU, TU!
MENDIAN BARRENA HELDU DA TRENA
TXUKU, TXUKU, TXUKU, TXUKU, TXU!
EZ DA FALTA ANBULANTZIA,
NI NO NI NO NI NO NI
ZER GERTATU OTE DA BADA?
UI, UI, UI, UI...

TXAKURRA ZAUNKA ETA ZAUNKA (AU)
ARDIA ZUHAITZEAN IGOTA (BEE)
ADARRAK EZIN ZAMAREKIN (KRAS)
BEHIAREN GAINEAN ERORI (MUU)
HONTZA EZIN LOAK HARTUTA, (UUUH)...


URRUTIAN ZERUTIK HELIKOPTEROA,
TUKUTUKU, TUKUTUKU, TUKUTUKU, TUKUTUKU, TU!
MENDIAN BARRENA HELDU DA TRENA
TXUKU, TXUKU, TXUKU, TXUKU, TXU!
EZ DA FALTA ANBULANTZIA,
NI NO NI NO NI NO NI
ZER GERTATU OTE DA BADA?
UI, UI, UI, UI...






TXAKURRA ZAUNKA ETA ZAUNKA (AU)
ARDIA ZUHAITZEAN IGOTA (BEE)
ADARRAK EZIN ZAMAREKIN (KRAS)
BEHIAREN GAINEAN ERORI (MUU)
SUSTOAREKIN **KAKAPLASTA** (PLASTA-PLASTA)
ERLEA KAKAZ ZIKIN-ZIKIN! (AJ)
HONTZA EZIN LOAK HARTUTA (UUUH)...

ZUHAITZ ADARRA HELIKOPTEROAN,
TUKUTUKU, TUKUTUKU, TUKUTUKU, TUKUTUKU, TU!
HONTZAK LOGUREAK HARTU DU TRENA,
TXUKU, TXUKU, TXUKU, TXUKU, TXU
TA BESTEAK ANBULANTZIAN,
NI NO NI NO NI NO NI
HORI DENA GERTATU DA BA!
UI, UI, UI, UI...

LETRA ETA MUSIKA: Nerea Urbizu
ABESLARIAK: Berria Egunkariko Lantaldea

► **Kantan nabarmendutako hitzek zer esan nahi dute? Idatzi irudien azpian.**



		
TXIRRIST EGIN	SALTO	EURI-TANTA
		
SUDUR	HODEI	LURRERA ERORTZEA
		
ALAI	TXIMISTA	HONTZA
		
BIHOTZA	EUSKARAZ	TXAKURRA ZAUNKA
		
ZANGOAK	ALTXA BESOAK	ARDIA
		
LO EGIN	ESNATU	BEHIA
		
		ZAMA